

CONVOCATORIA PARA A CONCESIÓN DE PREMIOS DO CONCURSO DE DISFRACES DO DESFILE DE ANTROIDO 2017

O Concello de Xove, dentro do marco das competencias que ten atribuídas pola lexislación vixente ten como obxectivo potenciar a participación cidadá nos actos programados para o sábado de Antroido, e realiza para tal fin a convocatoria de premios do concurso de disfraces a celebrar o día 25 de febreiro, coas seguintes especificacións:

1.- Entidade adxudicadora

- a.- Organismo: Alcalde-Presidente
- b.- Departamento que tramita o expediente: Concellería de Cultura

2.- Obxecto

Concesión de premios do concurso de disfraces do desfile do sábado de antroido (6 de febreiro) organizado polo Concello de Xove.

3.- Orzamento

A contía máxima prevista destinada aos presentes premios é de 3.000,00 €, con cargo á partida 338.481 do Estado de Gastos do vixente Orzamento Municipal.

4.- Contía dos premios

Carrozas.

- 1º premio: 450 euros
- 2º premio: 250 euros
- 3º premio (2 premios): 150 euros cada premio

Comparsas e grupos de dez persoas ou máis

- 1º premio: 250 euros
- 2º premio: 200 euros
- 3º premio (2 premios): 125 euros cada premio

Grupos de 3 a 9 persoas

- 1º premio: 110 euros
- 2º premio: 80 euros
- 3º premi (2 premios): 50 euros cada premio

Parellas adultos (de 14 anos en diante)

- 1º premio: 60 euros
- 2º premio: 50 euros
- 3º premio (2 premios): 40 euros cada premio

Parellas infantís (menores de 14 anos)

- 1º premio: 60 euros*
- 2º premio: 50 euros*
- 3º premio: 40 euros cada premio*

Individuais adultos (de 14 anos en diante)

- 1º premio: 50 euros
- 2º premio: 40 euros
- 3º premio (2 premios): 30 euros cada premio

Individuais infantil (menores de 14 anos)

- 1º premio: 50 euros
- 2º premio: 40 euros
- 3º premio (2 premios): 30 euros cada premio

Premio ao disfraz mais orixinal (pode ser tanto individual como colectivo): 30,00 euros

Premio ao participante máis maior: 30,00 euros

Premio ao conxunto mais numeroso: 30 euros

Asímesmo, o participante mais novo recibirá un agasallo en especie, valorado en 30 euros, polo que será o Concello quen faga fronte ao pago ao establecemento comercial no que se adquira, previa emisión da correspondente factura.

A contía dos premios anteriores é líquida. O RD 439/2007, de 30 de marzo, polo que se aproba o Regulamento do Imposto sobre a Renta das Persoas Físicas, suxeita a retención os premios de contía superior a 300 euros. A porcentaxe de retención regulada no artigo 101.7 da Lei 35/2006, de 28 de novembro, do Imposto sobre a Renta das Persoas Físicas, será de 19%.

De acordo co anterior, a contía bruta do primeiro premio da categoría de carrozas será de 555,55 euros e do segundo, de 308,64 euros. Do mesmo xeito, a contía bruta do primeiro premio de comparsas e grupos de dez persoas ou máis será de 308,64 euros.

5.- Requisitos dos participantes

Poderán participar no concurso e ser beneficiarios destas axudas, calquera particular, asociación ou entidade legalmente constituída así como os "grupos ocasionais" que cumpran as condicións previstas nestas bases. Neste último caso, os seus integrantes deberán nomear un representante debidamente autorizado para actuar no nome do grupo. Só poderá presentarse unha solicitude por entidade ou grupo.

A documentación a presentar será a seguinte:

- 1.- Particulares

- Ficha de inscrición establecida ao efecto
- Copia do N.I.F. do concursante ou titor, para o caso de menores de idade

2.- Asociacións legalmente constituídas e "grupos ocasionais".

-Ficha de inscrición establecida ao efecto. Deberá indicarse o nome, apelidos e N.I.F. do representante do grupo.

-Copia do N.I.F. do representante do grupo

-Declaración xurada de non estar incurso en ningunha das circunstancias establecidas no artigo 13.2 da lei 38/2003, de 17 de novembro, Xeral de Subvencións (só para o caso de asociacións legalmente constituídas)

A ficha de inscrición deberá presentarse en todo caso, con carácter previo á celebración do desfile, ben personándose nas dependencias do Concello de Xove-Oficina do Técnico de Cultura ata o venres anterior á data de celebración do desfile, ou ben o mesmo día do desfile no punto de saída (Nave-almacén sita á carón do campo de fútbol municipal) ata media hora antes do comenzo do desfile. A restante documentación poderá presentarse de xeito simultáneo á ficha de inscrición ou, en todo caso, con carácter previo ao acordo de concesión dos premios. Serán rexeitados aqueles participantes que aínda constando como beneficiario dun premio na acta asinada polo xurado do concurso, non entreguen a documentación que se recolle neste artigo antes do acordo de concesión.

6.- Normas do desfile

Para participar no concurso será necesario cumprir as seguintes normas:

-Ter colocado en todo momento o dorsal que será facilitado polo organización do desfile

-Gardar o orden de saída durante todo o desfile deixando unha distancia prudente entre participantes

-Será de competencia do xurado valorar a impuntualidade dos participantes

-Se os participantes se acompañan de calquera tipo de artilugio ou artefacto, deberán velar en todo momento polas seguridade daqueles e do público asistente, quedando prohibida a utilización de calquera material pirotécnico.

-Está permitido levar animais ao desfile sempre que non representen un perigo para o resto dos participantes e o público asistente, non estando non obstante permitido o seu maltrato podendo ser esta actuación causa de expulsión do concurso e consecuente descalificación.

-Non se permitirán representación de carácter obsceno que podan ferir a sensibilidade dos espectadores, moitos deles nenos.

-É imprescindible ir ataviados co disfraz no momento da entrega de premios, que se efectuará o mesmo día do desfile, en horario de tarde coincidindo co baile infantil e en horario de noite, coincidindo co baile de maiores.

7.- Procedemento de entrega de premios

Unha vez rematado o desfile, o xurado levantará acta na que consten os premiados por orde decrecente e por categorías. Os premios serán entregados en dito momento en metálico por representantes do Concello debendo ser asinado o pertinente "recibín" polos beneficiarios, sempre e cando se dispoña da documentación requerida na Base Segunda. No caso de menores, o recibín será asinado polo titor ou representante legal.

8.-Outras informacións

Concelleira de Cultura ou Técnico Municipal de Cultura. Tfno. 982.59.20.01

Aprobado por Resolución de Alcaldía de 31 de xaneiro de 2017.